

# NÜXĨRAÜXŨ GA POPERA GA

## TECHARÓNICAWA YEXMAGÜXŨ GA

### YAXÖGÜXŨTANÜWA NAMUXŨ GA PAURU

---

**Pauru rü nüxŭ narümoxe ga yema  
yaxögüxŭ ga Techarónicawa yexmagüxŭ**

**1** <sup>1</sup>Pa Techarónicawa Ngëxmagüxŭ i Toeneëgü i Yaxögüxŭ i Tanatü ya Tupana rü Tórü Cori ya Ngechuchu ya Cristuarü Duüxügü Ixīgüxŭ, choma i Pauru rü namaã i taeneë i Chiribánu rü Timutéu nixĩ i pexçax tanaxumatüxŭ i ñaã popera. Rü tanaxwaxe i Tanatü ya Tupana rü tórü Cori ya Ngechuchu ya Cristu pexŭ narüngüxëë rü pexŭ nataãëxëë.

**Meãma nayaxögü ga yema  
Techarónicawa yexmagüxŭ rü yemaäcü  
wüxi ga cuaxruŭ ga mexŭ nixīgü**

<sup>2</sup>Rü torü yumüxëwa rü guxüguma pexna tacuaxächigü, rü pexçax Tupanana moxë taxã. <sup>3</sup>Rü guxüguma i ngëxguma Tanatü ya Tupanaã tidexagügu, rü taguma nüxŭ itayarüngümaë na ñuxäcü meã peyaxögüäcüma penaxüxŭ i Tupanaärü puracü, rü ñuxäcü nüxŭ

pengechaügüäcüma togüxŭ perüngüxëëxŭ. Rü taguma nüxŭ itayarüngümaë na ñuxäcü aixcüma meã ípenanguxëëxŭ ya tórü Cori ya Ngechuchu ya Cristu rü ngëmacax yaxna namaã pexĩnüë i ngëma ngúxŭ i ñuxma pingexŭ. <sup>4</sup>Pa Chaueneëgüx, Tupana pexŭ nangechaŭ, rü nüxŭ tacuax rü nümatama nixĩ i pexŭ yadexechixŭ. <sup>5</sup>Rü yexguma pemaã nüxŭ tixuxgu ga Tupanaärü ore i tüxŭ maxëxëëxŭ, rü tama toechama tidexagümare, yerü Tupanaãë i Üünexŭ toxŭ narüngüxëë na norü poramaã pemaã nüxŭ tixuxŭ. Rü meã nüxŭ tacuääcüma pemaã nüxŭ tixu ga yema ore yerü toëwatama nüxŭ tacuax na aixcüma yĩxŭ. Rü pematama nüxŭ pecuax ga ñuxäcü meã pepexewa na tamaxëxŭ ga yexguma na yemaäcü pexŭ tarüngüxëëgüxüçax. <sup>6</sup>Rü pema rü meãma penaxügü ga yema pexŭ tangüxëëxŭ rü yema tüxŭ nangüxëëxŭ ga tórü Cori ya Ngechuchu. Rü Tupanaãë i Üünexŭ pexŭ taãëxëëäcüma

penayauxgü ga yema ore ga woo yemacax poraäcü ngüxü na pingegüxü. 7Rü yemaäcü ga pema rü wüxi ga cuaxruü ga mexü pixigü naxcax ga guxüma ga yema yaxögüxü ga Machedóniäänewa rü Acayaanewa yexmagüxü. 8Rü yemaäcü petanüwa ínaxüxü ga tórü Cori ya Ngechuchuarü ore rü guxüwama nanguchigü. Rü ngëmacax i ñuxma rü Machedóniäänewa rü Acayaanewa rü guxüwama nüxü nacuxgü na ñuxäcü meä Tupanaäxü peyaxögüxü. Rü ngëmacax marü taxucaxma tüxcüü i toma rü namaä nüxü tixu i ngëma ore i mexü i pechiga. 9Erü nümagütama i ngëma duüxügü rü marü nüxü nixugügü ga ñuxäcü ga pema rü meä toxü na peyaxgüxü ga yexguma petanüwa taxixgu. Rü nüxü nixugügü ta ga ñuxäcü nüxü na perüxoexü ga perü tupanetachicünaxägü na Tupanaxüchi ya maxücü rü ixaixcümacüwe perüxüxüxü rü nüxü pepuracüexüxü. 10Rü nüxü nixugügü ta na ñuxäcü aixcüma ípenangüxëxü na wenaxärü daxüwa ne naxüxü ya Ngechuchu ya Tupana Nane ga yuwa ínadxëëäcü. Rü yima Ngechuchu nixü ya tüxü íngüxüxëëcü nüxna i ngëma poxcu i äücümäxü i tá íngüxü.

#### Pauruarü puracü ga Techarónicawa

**2** 1Pa Chaueneëgüx, rü pematama nüxü pecuax rü tama natücxmamare nixü na pexütawa taxixü. 2Rü pema nüxü pecuax rü naxüpa ga pexütawa na tangugüxü rü chixri tomaä nachopetü ga duüxügü ga Piripuwa rü tomaä naguxchigagü.

Natürü Tupana toxü narüngüxëe na pemaä nüxü tixuxüxüxü ga norü ore i tüxü maxëxëxü. Rü yemacax tama tamuüëäcüma pemaä nüxü tixu ga yema ore, woo ga torü uwanügü ga tama toxü irüxünüëchaüxü rü poraäcü toxü naguxchaxëëgüagu. 3Rü yexguma pemaä nüxü tixuxgu ga yema ore, rü tama ítatüëäcüma pemaä nüxü tixu. Rü tama chixexü pemaä taxügüchaüäcüma rü tama pexü tawomüxëëgüchaüäcüma pemaä nüxü tixu ga yema ore. 4Yerü Tupana nixü ga toxü unetacü rü toxü mucü na pemaä nüxü tixuxüxüxü ga norü ore i mexü i tüxü maxëxëxü. Rü yemacax Tupana naxwaxexüäcüma pemaä nüxü tixu ga yema ore. Rü tama duüxügüxümare na tataäëxëëgüxüxüxü pemaä nüxü tixu, natürü nüxü tixu na Tupanaxü tataäëxëëgüxüxüxü. Rü nüma ya Tupana nixü i tüxü nacuxüxü rü tüxü nadauxü rü nangugüäxü i ngëma nagu rüxünüëxü. 5Rü pema nüxü pecuax rü taguma pepexewa pexü ticuaxüügü na toga pexünüëxüxüxü, rü taguma pexü tawomüxëëgü na ngüxü tayauxgüxüxüxü ga perü diëru. Rü Tupana nixü ya toxü daucü na taguma yemaäcü na tanaxüxü. 6Rü taguma naxcax tadaugü na duüxügü toxü icuaxüügüxüxüxü, rü bai i pema rü bai i togü i duüxügü. 7Rü woo Cristutama toxü namu na yaxögüxüärü äëxgacügü na tixigüxü natürü tama ñoma wüxi ga äëxgacürüü pemaä tamaxë. Natürü meämare pemaä tamaxë, ñoma wüxi i mama i ngüxäcügüna meä daxüxcürüü pemaä tixigü. 8Rü poraäcü pexü tangechaü, rü yemacax pemaä nüxü tixu ga Tupanaärü ore. Rü tama yemaxicatama

peyna taxāxchaŭ ga yexguma. Natürü marü ítamemare ta ga pexçax na tayuexŭ, yerü poraäcü pexŭ tangechaŭgü. <sup>9</sup>Pa Chaueneëgüx, pema nüxŭ pecuax ga ñuxäcü poraäcü na tapuracüexŭ na torü ñonacax tataxegüxüçax. Rü woo chütacü rü woo ngunecü tapuracüe na taxúeaxŭma wüxi ga guxchaxŭ tixŭgüxüçax ga yexguma petanüwa tayexmagügu rü pemañ nüxŭ tixuxgu ga Tupanaärü ore. <sup>10</sup>Pa Duŭxŭgü i Tupanaäxŭ Yaxögüxŭ, pema nixŭ ga toxŭ pedaügüxŭ rü Tupana rü ta toxŭ nadau ga ñuxäcü meã na tamaxëxŭ ga petanüwa, rü ñuxäcü taxuŭma ga chixexŭ na taxüxŭ ga yexguma. <sup>11</sup>Rü pema nüxŭ pecuax ta ga ñuxäcü pexŭ na tanangúchaŭxëxŭ. Rü yexguma pengechaŭgügu, rü pexŭ tataäëxëëgü ñoma wüxi i papa i naxäcügüxŭ taäëxëëgüxŭrü. <sup>12</sup>Rü ñuxma na Tupanaärü pixŭgüxŭ, rü pexŭ taxucüxëgü na meã naxçax pemaxëxŭ. Rü numa nixŭ i pexçax nangemaxŭ na ngextá äëxgacü íyŭxüwa pengügüxüçax na ngéma mexüwa pengëxmagüxüçax. <sup>13</sup>Rü ngëmacax guxŭguma pexçax Tupanana moxë taxá, yerü yexguma noxri nüxŭ pexŭnëgu ga yema norü ore ga pemañ nüxŭ tixuxŭ, rü meã penayauxgü, yerü nüxŭ pecuaxgü rü aixcüma Tupanaärü ore nixŭ rü tama duŭxŭgüarü oremare nixŭ. Rü yema ore nixŭ ga naxüchicüxŭ ga perü maxŭ ga yexguma peyaxögügu. <sup>14</sup>Pa Chaueneëgüx, nüxŭ tacuax na ñuxäcü ngüxŭ pingegüxŭ yerü petanüxügütama pexchi naxaie rü chixri pemañ nachopetü. Natürü yemaäcütama nüxŭ nangupetü ga Tupanaärü duŭxŭgü ga

Ngechuchu ya Cristuaxŭ yaxögüxŭ ga Yudéaanewa yexmagüxŭ. Yerü natanüxügütama ga Yudfugü rü chixri namañ nachopetü. <sup>15</sup>Rü yema Yudfugü nixŭ ga tórü Cori ga Ngechuchuxŭ imaxgüxŭ, yexgumarüü ga norü oxigü rü nuxcümaŭgüxŭ ga Tupanaärü orearü uruŭgüxŭ na naðaixŭrü. Rü yema Yudfugü nixŭ ga towe ingëxŭtanüxŭ. Rü Tupanamañ rü guxŭ i duŭxŭgümañ narüxuwangü. <sup>16</sup>Rü ngëxguma ngéma duŭxŭgü i tama Yudfugü ixŭgüxümañ nüxŭ tixuxchaŭgu i Tupanaärü ore na nümagü rü ta nüxŭ nangëxmagüxüçax i maxŭ, rü ngéma Yudfugü rü toxna nanachuxu. Rü ngémaäcü i ngéma Yudfugü rü poraäcüxüchima chixexŭ naxügü. Rü ngëmacax i ñuxma rü düxwa marü nüxna nangu i ngéma Tupanaärü poxcu i äücümaxŭchixŭ.

**Pauru rü nüxŭ nangúchaŭ na wenaxärü natanüwa naxüxŭ ga yema yaxögüxŭ ga Techarónicawa yexmagüxŭ**

<sup>17</sup>Pa Chaueneëgüx, yexguma peyna ítixŭguwena, rü woo tama pexütawa na tayexmagüechaxŭ, natürü guxŭguma pegu tarixŭnë, rü poraäcü toxŭ nangúchaŭ na pexütawa taxŭxŭ na wenaxärü pexŭ ítayadaügüxüçax. <sup>18</sup>Rü aixcüma ngéma taxŭxchaŭ. Rü chomatama i muëxpüxcüna rü chanaxwaxe na ngéma pexütawa taçx chaxŭxŭégaŭ natürü ngoxo i Chataná rü guxŭguma toxŭ nanaguxchaxë na tama ngéma taxŭxüçax. <sup>19</sup>Natürü pexŭ ítayadaügüchaŭama erü ngëxguma wenaxärü núma naxüxgu ya tórü Cori ya Ngechuchu ya Cristu rü ðtäçüçax tá nixŭ i Tupanapexewa tataäëgüxŭ i

tomax? Rū aixcūma pewa tá nixĩ i ítananguxēēxũ na tomaã nataãēxũ ya Tupana. Rū pema tá nixĩ i torũ taãē pixĩgũxũ. Rū pegagu tá nixĩ i aixcūma togūmaātama tataãēgũxũ i napexewa. <sup>20</sup>Rū ngēmāācũ pegagu nixĩ i togūmaātama tataãēgũxũ, rū pema nixĩ i torũ taãē pixĩgũxũ.

**3** <sup>1</sup>Rū yema na taxuacūma ñuxācũ wenaxārũ petanūwa na chaxũxũ, rū dũxwa nagu charũxĩnũ na Atenagutama na charũxāũxũ. <sup>2-3</sup>Rū pexũtawa chanamu ga taeneē ga Timutéu na pexũ íyadauxũcax. Erũ nũma nixĩ i Tupanaārũ puracũtanũxũ i wũxigu namaã tapuracũxũ na tanaxunagũxũcax i ngēma ore i mexũ i Cristuchiga. Rū ngēma petanūwa chanamu na pexũ nangũxēēxũcax na yexeraācũ peyaxōgũxũcax rū aixcūma petaãēgũxũcax rū ngēmāācũ taguma texé i petanūwa nũxũ rūxoxũcax ega tacũ rū guxchaxũ pexũ ngēxmagu. Erũ pematama marũ nũxũ pecuax na guxāma i yixema na yaxōgũxũ rū ngũxũ tá tũxũ naxũpetũ. <sup>4</sup>Rū yexguma petanūwa tayexmagũgu rū marũ pemaã nũxũ tixu na ngũxũ tá pexũ ũpetũxũ. Rū pema marũ nũxũ pecuax na aixcūma yemaācũ pexũ nangupetũxũ. <sup>5</sup>Rū yemacax ga yexguma marũ tama namaã chaporagu ga yema tama paxa pechigaxũ na chacuáxũ, rū yemacax dũxwa Timutéuxũ yēma petanūwa chamu na pexna yaçaxũcax ngoxi meã ípeyaxōgũama i Tupanaārũ ore. Yerũ chaxoegaãē rū bexmana ngoxo i Chataná rū chixexũgu pexũ nayixēē, rū chi ngēmāācũ yixĩgu, rū natũcaxmamare chi nixĩ ga pemaã nũxũ

tixuxũ ga Tupanaārũ ore. <sup>6</sup>Natũrũ ñuxma na ínanguxũ i Timutéu na petanūwa ne naxũxũ, rū mexũ i ore i pechiga ngēma ne nange. Rū tomaã nũxũ nixu na ñuxācũ meã peyaxōgũxũ, rū ñuxācũ guxāma meã pegũ pengechaũgũxũ. Rū tomaã nũxũ nixu ta na ñuxācũ guxũguma toxũ pengechaũgũācūma togu perũxĩnũēxũ, rū ñuxācũ poraācũ penaxwaxegũ na wena toxũ na pedaugũxũ i ngēma poraācũ pexũ tadaugũchaũxũrũ. <sup>7</sup>Rū ngēmacax, Pa Chaueneēgũx, rū woo guxchaxũ toxũ na ngēxmaxũ rū ngũxũ na tingegũxũ, rū poraācũ toxũ nataãēxēē i ngēma pexũ na tacuáchigaxũ na meã ípemaxēxũ rū meã peyaxōgũamaxũ. <sup>8</sup>Rũ ñuxma na nũxũ tacuáchigaxũ na aixcūma meã tórũ Coriaxũ peyaxōgũamaxũ, rū poraācũ tataãēgũ. <sup>9</sup>¿Rũ ñuxācũ tá Tupanana moxē taxā naxcax i ngēma taãē i taxũ i toxna pexāxũ? Erũ aixcūma pegagu nixĩ i toxũ nangēxmaxũ i wũxi i taãē i taxũ i napexewa. <sup>10</sup>Rũ ngunecũ rū chũtacũ rū tayumũxēgũ, rū Tupanana naxcax tacagũ na petanūwa toxũ nawoeguxēēxũcax na wena pexũ tadaugũxũcax rū pexũ tarũngũxēēgũxũcax na yexeraācũ nũxũ peyaxōgũxũcax. <sup>11</sup>Rũ poraācũ tanaxwaxegũ i Tanatũ ya Tupana rū tórũ Cori ya Ngechuchu ya Cristu na toxũ rũngũxēēgũxũ, na wena petanūwa ítayadaugũxũcax. <sup>12</sup>Rũ tanaxwaxegũ na tórũ Cori ya Ngechuchu pexũ rũngũxēēxũ na yexeraācũ pegũ pengechaũgũxũcax rū guxũ i duũxũgũxũ na pengechaũgũxũcax, ngēxgumariũ i toma rū poraācũ pexũ

na tangechaũgũxũrũũ. <sup>13</sup>Rũ tanaxwaxegũ na tórũ Cori ya Ngechuchu pexũ rüngũxẽxũ na peãewa rĩ aixcũma meã peyaxõgũxũcax rĩ norũ duũxũgũ i aixcũma mexũgũ na pixĩgũxũcax rĩ na nataxuxũcax i perũ pecadugũ i napexewa ya Tanatũ ya Tupana i ngẽxguma wena núma naxũxgu ya tórũ Cori ya Ngechuchu ya Cristu namaã i guxũma i norũ duũxũgũ. Rũ tanaxwaxe na ngẽmaãcũ yĩĩxũ.

#### Maxũ i Tupanaxũ taãxẽxũchiga

**4** <sup>1</sup>Rũ ñuxma Pa Chaueneẽgũx, rĩ nangẽxma i tacũcax tórũ Cori ya Ngechuchuegagu pexũ tacaaxũ rĩ pexũ tamu. Rũ ngẽma nixĩ na guxũguma Tupanacax meã pemaxẽxũ yema pexũ tangúxẽxũrũũ rĩ ñuxma marũ penaxũxũrũũ. <sup>2</sup>Pema rĩ marũ nüxũ pecuax ga yema torũ ucũxegũ ga tórũ Cori ya Ngechuchu toxũ muxũ na pexũ tangúxẽxũcax. <sup>3</sup>Rũ Tupana nanaxwaxe na aixcũma namexũ i perũ maxũ rĩ naxcaxicatama na pemaxẽxũ. Rũ tama name i chixrimare pemaxẽ i napexewa, rĩ to i ngexũmaãmare pengẽãegũmare. <sup>4</sup>Rũ wũxichigũ tanaxwaxe na aixcũma tũmamaxũ tangechaũxũ, rĩ ngĩmaãxicatama na tamaxũxũ. <sup>5</sup>Rũ tama name i ngĩxũ na pecuáxchaũmarexũcax ngĩmaã pexãmax i wũxi i nge erũ ngẽmaãcũ namaxẽ i ngẽma duũxũgũ i tama Tupanaaxũ yaxõgũxũ. <sup>6</sup>Rũ tama name i texé ngĩmaã tamaxũ i tũmaẽneẽ ya yaxõcũ namax. Erũ yexgumarũũ ga marũ pemaã nüxũ tixuxũrũũ, rĩ Tupana tá poraãcũ tũxũ napoxcu ya guxãma ya yĩxema ngẽmaãcũ maxẽxẽ. <sup>7</sup>Erũ Tupana

tũxũ nidexechi na meã naxcax imaxẽxũcax rĩ tama chixri na imaxẽxũcax. <sup>8</sup>Rũ ngẽmacax ega texé tama naga ñũgu i ñaã nguxẽẽtaegũ, rĩ pemaã nüxũ chixu rĩ tama wũxi i duũxũga nixĩ i ngẽma nüxũ taxoxũ, natũrũ Tupanagatama nixĩ i nüxũ taxoxũ. Rũ guma nixĩ ga pexna namucũ ga Naãẽ i Üünexũ. <sup>9</sup>Rũ ngẽma na pegũ pengechaũgũxũchiga, rĩ taxucaxma pexcax chanaxũmatũ i poperawa. Yerũ Tupanatama marũ pexũ nangúxẽẽ i ngẽma na ñuxãcũ aixcũma pegũ pengechaũgũxũ. <sup>10</sup>Rũ aixcũma nixĩ i guxũguma meã nüxũ pengechaũgũxũ i guxũma i taeneegũ i Machedóniããnewa ngẽxmagũxũ. Natũrũ, Pa Toeneegũx, rĩ pexũ tacaaxũgũ na yexeraãcũ meã nüxũ pengechaũgũxũcax. <sup>11</sup>Irũ meã pegũmaã pemaxẽ, rĩ pexrũtama maxũgu perũxĩnũẽ, rĩ tama i togũarũ max-ũgu! Irũ pematama naxcax pepuracũ i perũ ngẽmaxũgũ ga yexgumarũũ ga marũ pemaã nüxũ na tixuxũrũũ! <sup>12</sup>Rũ ngẽxguma ngẽmaãcũ pemaxẽgu, rĩ ngẽma duũxũgũ i tama yaxõgũxũ rĩ tá pexũ nangechaũgũ, rĩ pema rĩ taxuũtama pexũ nataxu.

#### Ñuxãcũ tá nixĩ i ngẽxguma nataegugu ya tórũ Cori

<sup>13</sup>Pa Chaueneẽgũx, rĩ ngẽxguma wũxie yuxgux, rĩ tanaxwaxe i nüxũ na pecuaxgũxũ na tacũ tũxũ ngupetũxũ, na tama pengechaũgũxũ ngẽxgumarũũ i ngẽma duũxũgũ i tama yaxõgũxũ rĩ tama nüxũ cuaxgũxũ na wena tá namaxẽxũ i yuexũ. <sup>14</sup>Erũ yixema na yaxõgũxũ na nayuxũ rĩ wena namaxũxũ ga Ngechuchu, rĩ ngẽxgumarũũ ta yaxõgũ na Tupana tá

ínadagüxēxũ i guxũma i ngēma  
 Ngechuchuaxũ yaxōgiācũma yuexũ, rü  
 wüxigu tá Ngechuchumaā nügüxũtawā  
 nanagagü. <sup>15</sup>Rü ngēmacax pemaā nüxũ  
 tixu i ngēma ore ga tórü Cori ya  
 Ngechuchu namaā nguxēētaexũ. Rü  
 ngēxguma wena núma naxũxgu ya tórü  
 Cori ya Ngechuchu rü yixema na imaxēxũ i  
 ñoma i nañewa rü tātũtāma yixira napexe  
 taxĩ i ngēma yuexũ. <sup>16</sup>Eri nümatama ya  
 Cori ya Ngechuchu rü daxũwa tá ínarixĩ,  
 rü tá nangēxma i wüxi i naga i taxũ i  
 daxũwa inaxũxũ i tüxũ muxũ, rü tá nüxũ  
 taxĩnüē i Tupanaärü orearü ngeruũgiarü  
 āēxgacü i tagaācü daxũwa icagüxũ, rü tá  
 yacuegüxũ ya Tupanaärü corneta. Rü  
 ngēxguma i ngēma yuexũ i Cristuaxũ  
 yaxōgiüxũ rü tá ínariüdagü. <sup>17</sup>Rü  
 ngēmawena i yixema na imaxēxũ rü  
 Tupana tá wüxigu caixanexũgu tüxũ  
 nigagü namaā i ngēma duũxũgü i yuewa  
 írüdagüxũ. Rü ngēmaācü tá daxũgu tórü  
 Cori ya Ngechuchuxũ tayangaugü na  
 guxũgutāma naxũtawā ingēxmagüxũcax.  
<sup>18</sup>Rü ngēmacax chanaxwaxe i ñaā oremaā  
 pegü petaāēxēēgü.

**5** <sup>1</sup>Natürü, Pa Chaueneēgüx, rü ngēma  
 norü ngunexũ rü taunecü i tá nagu  
 nangupetüxũ i ngēma pemaā nüxũ  
 chixuxũ, rü taxucaxma pexcax  
 chanaxümatü i ngēmachiga. <sup>2</sup>Eri  
 pematama meā nüxũ pecuax rü ngēma  
 ngunexũ i taxúema nagu ínanguxēēxũgu  
 tá nixĩ i ínanguxũ ya tórü Cori ya  
 Ngechuchu. Rü ñoma wüxi i ngĩtaxáxũ i  
 ngürüächü chütacü ínguxũrüü tá nixĩ. <sup>3</sup>Rü  
 ngēxguma duũxũgü nagu íruxĩnüēgu na  
 guxũma na mexũ rü taxuũma na nüxũ  
 üpetüxũ, rü ngēma ngunexũgügu rü tá  
 ngürüächü nagux i guxũma. Rü ñoma wüxi

i ngecü i āxācücü rü ngürüächü  
 ngĩxācũmaā nguxnecacürüü tá nixĩ na  
 taxúema naxchaxwa inaxũ i ngēma.  
<sup>4</sup>Natürü pemax, Pa Chaueneēgüx, rü marü  
 meāma nüxũ pecuax i ngēmachiga. Rü  
 ngēmacax taxucaxma ngürüächü pexũ  
 ínayabaixgü ya Cori ya Ngechuchu ñoma  
 wüxi i ngĩtaxáxũ ngürüächü duũxũgüxũ  
 íbaixgüxürüü. <sup>5</sup>Eri guxāma i pema rü  
 Tupanaärü duũxũgü pixgü, rü ngēmacax  
 ngóonexũwa pengēxmagü rü meāma nüxũ  
 pecuax na ñuxācü meā pemaxēxũ. Rü  
 yixema rü tama Chatanáärü duũxũgü  
 tixgü, rü ngēmacax tama ēānexũwa  
 tangēxmagü rü tama tanaxü i ngēma  
 chixexũ i ēānexũwa naxüxũ. <sup>6</sup>Rü  
 ngēmacax tama tanaxwaxe i taechita  
 ítamaxēmare rü itarüichomare  
 ngēxgumarüü i ngēma duũxũgü i tama  
 yaxōgiüxũ. Natürü tanaxwaxe i taxuāēgü,  
 rü meā taāēgu ítarüxĩnüē. <sup>7</sup>Eri ngēma  
 duũxũgü i naēchitamare maxēxũ rü ñoma  
 duũxũgü i chütacü peexürüü nixgü. Rü  
 ngēma duũxũgü i axegüxũ rü chütacü nixĩ  
 i nügü nangāxēxēēxũ. <sup>8</sup>Natürü i yixema rü  
 ngóonexũwa tangēxmagü, rü ngēmacax  
 tanaxwaxe i guxũguma taxuāēgü. Rü  
 tanaxwaxe i aixcũma meā Tupanaāxũ  
 tayaxōgiü, rü yigü tangechaũgü, rü meā  
 ítananguxēē na Tupana tüxna naxāxũcax i  
 ngēma maxũ i taguma gúxũ. Rü ngēxguma  
 ngēmaācü imaxēgu, rü ngēmaācü tá yigü  
 ítapoxũ i ngēxguma Chataná chixexũgu  
 tüxũ yixēēchaũgu. <sup>9</sup>Eri Tupana rü tama  
 tüxũ nidexechi na tüxũ napoxcuxũcax,  
 natürü tüxũ nidexechi na tórü Cori ya  
 Ngechuchu ya Cristugagu nayauxgüxũcax i  
 maxũ i taguma gúxũ. <sup>10</sup>Rü Ngechuchu ya  
 Cristu rü taxcax nayu na wüxigu namaā  
 imaxēxũcax i daxũgüxũ i nañewa. Rü

nüétama ega woo marü iyuyane  
ínanguxgu rü exna imaxēyane ínanguxgu,  
erü daxüguxü i naānewa rü wüxiwa tá  
namaā tamaxē. <sup>11</sup>Rü ngēmacax, Pa  
Chaueneēgüx, rü name nixi i wüxichigü  
pegü petaāxēgü rü pegü peporaexēē i  
perü öwa ngēxgumarüü i ñuxma na marü  
ípenaxügüxü.

**Pauru rü nayaxucuxēgü ga  
yema yaxögüxü**

<sup>12</sup>Pa Chaueneēgüx, pexü tacaaxügü na  
nüxü pengechaügüxüçax i ngēma  
taeneēgü i petanüwa puracüexü rü  
pemaā icuaxgüxü rü pexü ngüexēēxü i  
Cori ya Ngechucharü ore. <sup>13</sup>Rü name  
nixi i namaā petaāgü rü aixcuma meā  
nüxü pengechaügü i ngēma taeneēgü,  
erü nümagü nixi i pexü nangüxēēgüxü.  
Rü name nixi i pegü pengechaügüäcuma  
pemaxē. <sup>14</sup>Rü pemaā nüxü tixu ta na  
penaxucuxēgüxü i ngēma duüxügü i  
oexü i tama pura-cüechaüxü. iRü nüxü  
penangüchaüxēēgü i ngēma duüxügü i  
marü nüxü rüxoechaüxü na yaxögüäxü!  
iRü nüxü perüngüxēēgü i ngēma  
duüxügü i turaexü i norü öwa! iRü  
name nixi i yaxna namaā pexinüē i  
guxüma i ngēma taeneēgü! <sup>15</sup>Rü  
ngēxguma texé chixexü pemaā üxgu, rü  
tama name i chixexümaā penataeguxēē.  
iNatürü name nixi i naxçax pedau na  
guxüguma mexü pexügüxü i  
pegütanüwa rü guxüma i togütanüwa rü  
ta! <sup>16</sup>Rü name nixi i guxüguma  
petaāgü. <sup>17</sup>iRü guxüguma  
peyumüxēgü! <sup>18</sup>iRü woo tacü pexü  
ngupetügu, rü Tupanana moxē pexägü!  
Erü ngēmaäcü nanaxwaxe ya Tupana na  
pemaxēxü i pema i Ngechuchu ya

Cristuarü duüxügü na pixügüxü. <sup>19</sup>Rü  
tama name i nüxü pexoe i Tupanaāē i  
Üünexü. <sup>20</sup>Rü tama name i nüxü pexoe i  
Tupanaärü ore ega texéwa pemaā  
yadeaxgu ya Tupana. <sup>21</sup>Natürü name  
nixi i meāma penangugü i guxüma i  
oregü na nüxü pecuáxüçax rü ngoxi  
aixcuma yüxü i ngēma ore rü exna  
tama. iRü ngēma ore i aixcuma  
mexüxicatama pixögü! <sup>22</sup>iRü nüxna  
pixügachi i nagüxüraüxü i chixexügü!  
<sup>23</sup>Rü chanaxwaxe i nümatama ya  
Tupana ya tüxü taāxēēcü pexü imexēē  
na aixcuma napexewa pimexüçax. Rü  
chanaxwaxe i guxüwama pexna nadau i  
peāēwa rü pexenewa na nataxuxüçax i  
tacü i perü chixexü i ngēxguma  
wenaxärü núma naxüxgu ya törü Cori  
ya Ngechuchu ya Cristu. <sup>24</sup>Rü guxüma i  
ngēma rü tá pexçax nanaxü ya Tupana  
ya pexü idexechicü, erü nüma rü  
aixcuma nayanguxēē i ngēma tamaā  
inaxunetaxü.

**Pauru rü wenaxärü yema duüxügüxü  
narümoxē rü naxçax ínaca na Cori ya  
Ngechuchu ya Cristu meā nüxü  
rüngüxēēxü ga yema yaxögüxü**

<sup>25</sup>Pa Chaueneēgüx, iToxçax  
peyumüxēgü! <sup>26</sup>Rü chanaxwaxe i  
chauégagu meā nüxü perümoxēgü i  
guxüma i taeneēgü. <sup>27</sup>Rü Cori ya  
Ngechuchuégagu pexü chamu na guxü i  
taeneēgüpexewa na nüxü pedamatüxü  
i ñaā popera i pexçax ngēma chamuxü.  
<sup>28</sup>Rü chanaxwaxe i törü Cori ya  
Ngechuchu ya Cristu pexü narüngüxēē i  
guxäma i pemax.

*Rü nüma pexna,  
Pauru*